

Broj: 18/01-44-17639/12
Tuzla, 29.08.2012.godine

INFORMACIJA

o posljedicama suše i poduzetim aktivnostima na njihovom ublažavanju na području Tuzlanskog kantona

I UVOD

U proteklom periodu od juna do avgusta područje Tuzlanskog kantona zahvatio je toplotni val sa temperaturama koje su se kretale i do 40° C.

Izuzetno suho i toplo vrijeme bez kiše dovelo je do značajnog smanjenja vode u vodotocima i potpunog gašenja manjih rječica i izvora vode. Razina vode u hidroakumulaciji Modrac se približava najkritičnijoj tački od njenog formiranja, što ugrožava funkcioniranje fabrike pitke vode iz koje se vrši snabdjevanje općine Tuzla i Lukavac a snabdijevanje industrijskom vodom industrijskih pogona na navedenim općinama je također dovedeno u pitanje.

Opadanje razine hidro akumulacije Modrac je dnevno 2 do 3 cm i kroz temeljne otvore brane se ispušta 1 m³/s vode što je biološki minimum za rijeku Spreču nizvodno od brane.

Posljedice visokih temperatura i izostanka padavina u navedenim mjesecima su:

- 1) povećan broj požara,
- 2) problem i pojačani troškovi snabdijevanja stanovništva pitkom i industrijskom vodom i
- 3) štete u poljoprivredi.

II PODUZETE AKTIVNOSTI

U okviru svoje redovne djelatnosti Kantonalna uprava civilne zaštite (KUCZ) je zajedno sa općinskim službama civilne zaštite vodila kontinuirane aktivnosti na terenu i putem medija u cilju preventivnog djelovanja za sprečavanje nastanka požara.

Jedno od upozorenja za javnost za davanje upućeno putem medija je u prilogu ove Informacije.

Na žalost i pored svih poduzetih mjera zbog suše koja je bila i prošle godine, visokog snijega i niskih temperatura došlo je do potpunog sušenja trave i niskog rastinje i stvaranje idealnih uvjeta za nastanak požara. To se zbog nepažnje i neodgovornosti građana i dogodilo. Čak su evidentirani građani koji namjerno podmeću požare.

Prosjek evidentiranja požara na TK je oko 1.200 godišnje. Navedeni prosjek je premašen u prvoj polovini 2012. godine.

Želeći ukazati na slabosti u sistemu zaštite od požara na području TK, KUCZ je uradila Informaciju o stanju zaštite od požara i vatrogastva na području Tuzlanskog kantona i dostavila je Kantonalnom štabu civilne zaštite (KŠCZ) na razmatranje. Navedena informacija je usvojena od strane KŠCZ uz odgovarajuće zaključke koji su razmatrani na vladi TK koja je usvojila Informaciju i zaključke KŠCZ.

Navedena Informaciju i zaključci KŠCZ i Vlade TK su u prilogu ove Informacije.

Vladi TK je ponuđena i inicijativa za izmjenu i dopunu Zakona o zaštiti i spašavanju ljudi i materijalnih dobara od prirodnih i drugih nesreća („Službene novine F BiH, broj: 39/03, 22/06 i 43/10), kako bi se aktivirala sredstva posebne naknade za zaštitu od prirodnih i drugih nesreća, koja se prikupljaju prema članu 180. navedenog Zakona, mogla iskoristiti za opreme i opremanje vatrogasnih jedinica.

Inicijativa je prihvaćena na Vladi TK i ista je u prilogu ove Informacije.

Visoke temperature i suša u toku ljetnih mjeseci su pored požara koji su stalno prisutni i koji se na području TK još uvijek uspješno drže pod kontrolom, uzrokuje nedostatak pitke i industrijske vode.

Pored požara i nedostatka vode suša je katastrofalno uticala i na poljoprivrednu proizvodnju. Štete u proizvodnji hrane, voćarstvu i stočarstvu još nisu procjenjene ali su veoma visoke da dovede u pitanje nastavak navedene proizvodnje.

Zbog svega navedenoga KUCZ je uradila Informaciju o posljedicama visokih temperatura i suše tokom ljetnih mjeseci u 2012. godini, na području Tuzlanskog kantona, i dostavila je KŠCZ na razmatranje.

Navedena Informacija je razmatrana uz odgovarajuće zaključke upućena Vladi TK. Vlada TK je razmatrala informaciju i istu prihvatila zajedno sa zaključcima KŠCZ. Pored zaključaka KŠCZ, Vladi TK, je donijela i dva zaključka kojima se također želi pomoći u borbi protiv suše.

Navedena informacija i zaključci KŠCZ i Vlade TK su u prilogu ove Informacije.

III ZAKLJUČAK

Na osnovu utvrđenog stanja i poduzetih aktivnosti može se zaključiti sljedeće:

1) Zbog visokih temperatura i suše na području Tuzlanskog kantona je nastao veliki broj požara, pojavio se problem snabdijevanja pitkom i industrijskom vodom i doveden je u pitanje nastavak daljnje proizvodnje u poljoprivredi, stočarstvu i voćarstvu.

2) Štete od suše u poljoprivredi, požarima i nedostatku vode nisu procjenjene ali se može pretpostaviti da će iznositi više desetina miliona maraka i da će biti dovedeno u pitanje daljnje bavljenje proizvodnjom kod jednog broja poljoprivrednih proizvođača.

3) Ni na jednoj općini Tuzlanskog kantona nije proglašeno stanje prirodne ili druge nesreće jer se sa postojećim snagama i sredstvima civilne zaštite uspješno rješava problem požara i nedostatka vode.

4) Visina štete u poljoprivredi sigurno prevazilazi finansijske mogućnosti općine i Kantona zbog čega je potrebno da Vlada TK, istovremeno sa realizacijom tačke II, Zaključka broj: 02/1-44-1728-1/12 od 24.08.2012. godine, u saradnji sa vladama drugih kantona i Vladom Federacije BiH izvrše detaljnu analizu stanja i donesu mjere koje će omogućiti ublažavanje posljedica suše i fizičkim i pravnim licima stvoriti uvjete za nastavak proizvodnje u poljoprivredi.

5) Zbog stalne prisutne opasnosti i šteta od požara potrebno je da općinski načelnici i općinsko vijeće ubrzaju implementaciju Zakona o zaštiti od požara i vatrogastvu („Službene novine FBiH“, broj: 63/09), posebno u dijelu zakonske obaveze donošenja odgovarajućeg propisa, i izradi procjene ugroženosti i plana zaštite od požara i formiranja i opremanja profesionalne vatrogasne jedinice pri službi civilne zaštite.

6) Inicijativa o izmjenama federalnih propisa i mogućnosti korištenja akumuliranih sredstava posebne naknade za zaštitu od prirodnih i drugih nesreća na kantonu i federaciji BiH je u interesu poboljšanja sistema zaštite i spašavanja i potrebno je da Vlada TK ostvari suradnju sa Vladom Federacije BiH i prati realizaciju navedene inicijative.

7) Doneseni zaključci KŠCZ i Vlade TK, koji su u prilogu ove informacije, su dio odgovora na posljedice suše i omogućavaju daljnje djelovanje KŠCZ i Vlade TK u skladu sa svojim zakonom utvrđenim pravilima i obavezama.

Prilog:

- Upozorenje za javnost zbog povećane požarne opasnosti i rizika od požara na otvorenom prostoru, broj: 18/03-44-4235/12
- Informaciju o stanju zaštite od požara i vatrogastva na području Tuzlanskog kantona, broj: 18/03-44-14293/12,
- Zaključak KŠCZ, broj: 02/24-44-14255-2/12,
- Zaključak Vlade TK, broj: 02/1-44-17095/12,
- Inicijativa za izmjenу federalnih propisa, broj: 18/01-44-17096/12,
- Zaključak Vlade TK, broj: 02/1-44-17096/12,
- Informacija o posljedicama visokih temperatura i suše tokom ljetnih mjeseci u 2012. godini, na prostoru Tuzlanskog kantona, broj: 18/03-44-17281/12,
- Zaključak KŠCZ, broj: 02/24-44-17227-2/12
- Zaključak Vlade TK, broj: 02/1-44-17281-1/12

Dostavljeno:

- Naslov
- Evidencija
- Arhiva

DIREKTOR

Mr. sc. Zdenko Tadić